



REPUBLIKA E SHQIPËRISË

BASHKIA PEQIN

Data: 30.03.2023

PROCESVERBAL- Tipi i kontratës - Shërbime

PËR ARGUMENTIMIN DHE MIRATIMIN E SPECIFIKIMEVE TEKNIKE DHE KRITEREVE PËR KUALIFIKIM

OBJEKTI I PROCEDURËS: “Shërbimi i pastrimit, grumbullimit dhe transportimit të mbetjeve urbane të bashkisë Peqin”

KODI PËRKATËS NË FJALORIN E PËRBASHKËT TË PROKURIMIT (CPV): Shërbime të pastrimit të koshave të plehrave 90918000-5

VLERA E FONDIT LIMIT: **171.623.124** (njëqind e shtatedhjetenjë milion e gjashtëqind e njetzet e tre mijë e njëqind e njetzet e katër leke) lekë pa TVSH dhe 1 510 638,36 (një milion pesëqind e dhjetëmijë e gjashtëqind e tredhjetete) Euro pa tvsh.

** Kursi zyrtar i këmbimit sipas Bankës së Shqipërisë në datën 29/03/2023 është 113.61 Lekë/Euro*

Lloji i procedurës së prokurimit do të jetë **“E Hapur mbi kufirin e Lartë Monetar”**, me afat 48 muaj ose 4 (katër) vite, mbështetur në nenin 42 të ligjit Nr. 162/2020 “Për Prokurimin Publik” dhe sipas nenin 47, e VKM nr. 285, dt. 19.05.2021 “Për miratimin e rregullave të prokurimit publik” i ndryshuar, si dhe të nenit 11 Kufijtë monetarë, pika 1 gërma a) ku kufiri i lartë monetar për kontratat publike të shërbimeve dhe të mallrave është 40 000 000 (dyzet milionë) lekë.

Gjykohet e arsyeshme aplikimi i kontratës shumëvjeçare, duke qenë se në rastin konkret kontrata shumë vjeçare garanton dhe siguron efektivitet në lidhje me shpejtësinë e realizimit në kohë të shërbimit, si dhe qendrueshmeri në kryerjen me cilësi të shërbimit (e provuar kjo nga kontratat e mëparshme që ka lidhur autoriteti kontraktor Bashkia Peqin për këtë shërbim me afat 4 vjeçar).

Autoriteti kontraktor argumenton se lidhja e një kontrate shumëvjeçare, rrit efikasitetin dhe shmang vonesat në ofrimin në kohë të këtij shërbimi ndaj qytetarëve, të cilat mund të vijnë për shkak të ndryshme objektivë që nuk varen nga autoriteti kontraktor, ndërkohë që domosdoshmëria për këtë shërbim është me rëndësi shumë të madhe për komunitetin, duke marrë në konsideratë faktin që

ky shërbim përbën interes publik të rëndësishëm së veçantë, me karakter të përditshëm dhe të vazhdueshëm.

Kërkesat e autoritetit kontraktor janë realizimi i vazhdueshëm, eficient dhe me cilësi i shërbimit të pastrimit, grumbullimit dhe transportit në venddepozitim të mbetjeve urbane.

Kontratat shumë vjeçare krijojnë një raport më të mirë ndërmjet kërkesës së Autoritetit Kontraktor për shërbime cilësore dhe kostos që kanë operatorët ekonomik për ti ofruar këto shërbime me kapacitete optimale.

Në bazë të nenit 21, pika 2, të Ligjit nr.162/2020 “Për prokurimin publik”, nenit 2, pika 2/c dhe nenit 78, pika 2, të VKM nr. 285, datë 19.05.2021 “Për miratimin e rregullave të prokurimit publik”, autoriteti/enti kontraktor **Bashkia Peqin** ka hartuar procesverbalin për argumentimin dhe miratimin e specifikimeve teknike dhe kritereve për kualifikim për procedurën e sipërcituar, me përmbajtjen si më poshtë:

I. KRITERET E VEÇANTA TË KUALIFIKIMIT

1. Kandidati/ofertuesi duhet të dorëzojë:

a. Sigurim oferte, sipas Shtojcës 3;

Argumentimi: Ky kriter u vendos sipas nenit 83 Ligjin nr.162, datë 23.12.2020 “Për Prokurimin Publik”, ne te cilen është e parashikuar se:

Pika 1 Neni 83: Autoriteti kontraktor duhet të kërkojë paraqitjen e sigurimit të ofertës nga ofertuesit në të gjitha llojet e procedurave të prokurimit, me përjashtim të procedurave të prokurimit me vlerë të vogël.

Pika 2 Neni 83: Autoriteti ose enti kontraktor duhet të specifikojë në dokumentet e tenderit:

a) vlerën e kërkuar të sigurimit të ofertës, e cila duhet të jetë 2% e vlerës së përllogaritur të kontratës;

b) çdo kërkesë për natyrën dhe formën e sigurimit të ofertës, si dhe ne nenin 30 të VKM nr 285 date 19.05.2021 “Per Miratimin e Rregullave të Prokurimit Publik”

Argumentimi:Ky kriter u vendos me mbështetje në nenin 76 të Ligjit nr. 162/2020 “Për Prokurimin Publik“, dhe nenin 26 të VKM nr. 285, date 19.05.2021 ”Per Miratimin e Rregullave të Prokurimit Publik”, ne te cilen është e percaktuar se: “1. Bashkë me dorëzimin e kërkesave për pjesëmarrje ose të ofertave, autoriteti/enti kontraktor pranon si provë paraprake, në vend të disa vërtetimeve të lëshuara nga autoritetet publike ose palë të treta, formularin përmbledhës të vetëdeklarimit, sipas përcaktimit në nenin 82, të LPP-së, dhe në këto rregulla.”.

1.1 Për të provuar kapacitetet ekonomike dhe financiare, operatorët ekonomikë duhet të paraqesin në procedurën e prokurimit vërtetim për xhiron vjetore për 3 (tre) vitet e fundit financiare, të konfirmuara nga Administrata Tatimore, e cila të ketë një vlerë jo më të ulët se 40% e vlerës së fondit limit që prokurohet.

Në dokumentacionin e lëshuar nga administrata tatimore, duhet të jetë e pasqyruar vlera e xhiros për secilin vit të periudhës së kërkuar në kërkesat për kualifikim.

Kriteri konsiderohet i përmbushuar, nëse operatorët ekonomikë arrijnë vlerën e xhiros minimale, në të paktën 1(një) vit të periudhës së kërkuar në kërkesat për kualifikim.

Argumentimi: Kërkesa e mësipërme është përcaktuar bazuar në vlerën e fondit limit të kësaj procedure, si dhe bazuar në nenin 77, pika 3, e LPP, si dhe nenin 43, pika 2/a të VKM nr. 285, datë 19.05.2021 “Për miratimin e rregullave të prokurimit publik” i ndryshuar.

Përcaktimi i vlerës së kërkuar argumentohet si më poshtë :

Autoriteti kontraktor, në përcaktimin e vlerës së xhiros minimale vjetore (dhe konkretisht jo më pak se 40% e vlerës së fondit limit të kontratës që prokurohet) ka mbajtur në konsideratë nenin 43 pika 2 gërma b), të VKM nr. 285, datë 19.05.2021 “Për miratimin e rregullave të prokurimit publik” ku shprehimit thotë se Autoriteti/enti kontraktor, për të provuar kapacitetet financiare dhe ekonomike, kërkon kopje të deklaratave të xhiros vjetore të realizuar nga operatori ekonomik, për një periudhë maksimumi deri në 3 (tre) vitet e fundit financiare .

2. Vlera e xhiros minimale vjetore që u kërkohet operatorëve ekonomikë nuk mund të tejkalojë :

- a) *dyfishin e vlerës së përlllogariturtë kontratës ose lotit¹, në procedurat e prokurimit mbi kufirin e lartë monetar;*
- b) *vlerën e përlllogaritur të kontratës ose lotit, në procedurat e prokurimit ndërmjet kufirit të lartë dhe të ulët monetar;*
- c) *40 % të vlerës së përlllogaritur të kontratës ose lotit, në procedurat e prokurimit nën kufirin e ulët monetar, dhe në procedurat e prokurimit “Shërbim konsulence”.*

Shënim: Duke qenë se aktet ligjore dhe nënligjore parashikojnë një marzh për vlerën e xhiros qëmund të kërkohet, autoritetet/entet kontraktore duhet të argumentojnë vlerën e kërkuar të xhiros brenda këtij marzhi.

Përcaktimi i viteve të kërkuara për paraqitjen e vërtetimit të xhiros vjetore është bërë bazuar ligjit nr. 8438, datë 28.12.1998 "Për tatimin mbi të ardhurat", i ndryshuar, Udhëzimit të Ministrit të

Financave nr.5, datë 30.01.2006, "Për tatimin mbi të ardhurat", i ndryshuar, si dhe kërkesave të ligjit Nr. 25/2018 "Për kontabilitetin dhe pasqyrat financiare".

AK në miratimin e këtij kriteri ka mbajtur në vëmendje nenin 29 të Ligjit Nr. 8438, datë 28.12.1998 "Për tatimin mbi të ardhurat tatimore": "Çdo tatimpagues përgatit deklaratën vjetore të të ardhurave të tatueshme në formën e përcaktuar në udhëzimin e Ministrit të Financave në zbatim të këtij ligji. Tatimpaguesit paraqesin deklaratën vjetore në organet tatimore brenda datës 31 mars të vitit pasardhës, duke paraqitur në të njejtën kohë bilancin kontabël, së bashku me anekset e tij, si dhe çdo të dhëne tjetër të përcaktuar në udhëzimin e Ministrit të Financave në zbatim të këtij ligji".

Duke qenë se ligji për prokurimit publik parashikon se për xhiron minimale vjetore autoriteti kontraktor nuk mund të kërkojë më shumë se dyfishin e vlerës së përlogariturtë kontratës ose lotit², në procedurat e prokurimit mbi kufirin e lartë monetar, njësia e prokurimit gjykon se për të rritur konkurrencën midis ofertuesve ka vendosur vlerën prej jo më pak se 40% e vlerës së fondit limit që prokurohet.

2.2.2. Operatorët ekonomikë ofertues duhet të paraqesin në procedurën e prokurimit, bilancet e tyre vjetore për një periudhë për tre vitet e fundit financiare dhe konkretisht 2019, 2020 dhe 2021 (ose 2020, 2021, 2022 në rast se shoqëria e ka mbyllur bilancin e vitit 2022), të cilat duhet të jenë të konfirmuara nga Administrata Tatimore, si dhe të shoqëruara me Akt Ekspertizën e Ekspertit Kontabël të Autorizuar, në rastin kur janë në kushtet e përcaktimeve të neni 41, pika "c", të Ligjit nr. 10091, datë 5.03.2009 "Për auditimin ligjor, organizimin e profesionit të audituesit ligjor dhe të kontabilistit të miratuar", i ndryshuar, që të tregojnë raportet, ndërmjet aktivitetit dhe pasivitetit.

Kjo kërkesë për kualifikim konsiderohet e përmbushur, nëse në dy bilance të njëpasnjëshme, nuk ka raport negativ ndërmjet aktivitetit dhe pasivitetit.

Argumentimi: Kërkesa e mësipërme është përcaktuar bazuar në nenin 77, pika 3, e LPP, si dhe nenin 43, pika 4, të VKM nr. 285, datë 19.05.2021 "Për miratimin e rregullave të prokurimit publik".

Përcaktimi i viteve të kërkuara për paraqitjen e bilanceve është bërë duke iu referuar legjislacionit të fushës, konkretisht, ligjit nr. 8438, datë 28.12.1998 "Për tatimin mbi të ardhurat", i ndryshuar, Udhëzimit të Ministrit të Financave nr.5, datë 30.01.2006, "Për tatimin mbi të ardhurat", i ndryshuar, si dhe kërkesave të ligjit Nr. 25/2018 "Për kontabilitetin dhe pasqyrat financiare". Referuar në nenin 29 të Ligjit Nr. 8438, datë 28.12.1998 "Për tatimin mbi të ardhurat tatimore": "Çdo tatimpagues përgatit deklaratën vjetore të të ardhurave të tatueshme në formën e përcaktuar në udhëzimin e Ministrit të Financave në zbatim të këtij ligji. Tatimpaguesit paraqesin deklaratën vjetore në organet tatimore brenda datës 31 mars të vitit pasardhës, duke paraqitur në të njejtën

kohë bilancin kontabël, së bashku me anekset e tij, si dhe çdo të dhëne tjetër të përcaktuar në udhëzimin e Ministrit të Financave në zbatim të këtij ligji.

Ndërsa shoqërimi me Akt Ekspertizen e Ekspertit Kontabel te Autorizuar, është bërë duke iu referuar parashikimit në nenit 41 shkronja c” të Ligjit nr. 1009/2009: *“Personat juridikë që detyrohen për auditimin ligjor të pasqyrave financiare detyrohen të kryejnë auditimin ligjor të pasqyrave financiare vjetore, përpara publikim të tyre, nga ekspertë kontabël ose shoqëri audituese: "c) shoqëritë me përgjegjësi të kufizuar, të cilat zbatojnë për raportimin financiar standardet kombëtare të kontabilitetit, kur, në mbyllje të periudhës kontabël, për dy vite radhazi, tejkalojnë dy prej tre treguesve të mëposhtëm: i) totali i aktiveve të bilancit, në mbyllje të periudhës kontabël përkatëse, arrin ose e kalon shumën prej 50 milionë lekësh; ii) shuma e të ardhurave nga veprimtaria ekonomike (qarkullimi) në atë periudhë kontabël arrin XXX*

2.3 Kapaciteti teknik:

2.3.1. Operatorët ekonomik ofertues, duhet të paraqesin në procedurën e prokurimit dëshmi për realizimin me sukses të një ose disa kontratave për shërbimet e mëparshme të ngjashme, të kryera gjatë 3 (tre) viteve të fundit, duke filluar nga data e publikimit të njoftimit të kontratës, në një vlerë jo më të vogël se vogël se 40 % të vlerës së përllogaritur të kontratës që prokurohet.

Për të vërtetuar përvojën e mëparshme të ngjashme, operatorët ekonomikë pjesëmarrës duhet të paraqesin dëshmitë e mëposhtme:

- a) Për përvojën e mëparshme të realizuar me ente publike, operatorët ekonomik ofertues duhet të paraqesin vërtetime të lëshuara nga një ent publik për përmbushjen me sukses të kontratës, ku të shënohen vlera, afati i përfundimit të kontratës, ose faturave tatimore të shitjes, të plotësuara sipas kërkesave të legjislacionit në fuqi, ku shënohen datat, shumat dhe shërbimet e realizuara.
- b) Për përvojën e mëparshme të realizuar me sektorin privat, operatorët ekonomik ofertues duhet të paraqesin fatura tatimore të shitjes, të plotësuara sipas kërkesave të legjislacionit në fuqi, dhe të deklaruara në organet tatimore, ku shënohen datat, shumat dhe shërbimet e realizuara.

Argumentimi : Kërkesa e mësipërme është përcaktuar bazuar në nenin 77 ”Kërkesat për kualifikim”, të Ligjit Nr 162, datë 23.12.2020 “Për prokurimin publik” pika 4..”*në lidhje me aftësitë teknike dhe profesionale, autoritetet ose entet kontraktore mund të vendosin kërkesa që garantojnë se operatorët ekonomik zotërojnë burimet e nevojshme njerëzore e teknike, si dhe përvojën e nevojshme për të zbatuar kontratën sipas një standardi të përshtatshëm cilësie. Autoritetet ose entet kontraktore, në veçanti, mund të kërkojnë që operatorët ekonomik të kenë një nivel të mjaftueshëm përvojë që vërtetohet nga referenca të përshtatshme nga kontrata e zbatuara*

në të shkuarën”, si dhe nenit 41, pika 3, të VKM nr. 285, datë 19.05.2021 “Për miratimin e Rregullave të Prokurimit Publik” i ndryshuar. Për të provuar përvojën e mëparshme, autoriteti/enti kontraktor kërkon dëshmi për realizimin me sukses të një ose disa kontratave për shërbimet e mëparshme, të ngjashme, të kryera gjatë tre viteve të fundit. Në çdo rast, vlera e kërkuar duhet të jetë në një vlerë jo më të madhe se 40% të vlerës së përlogaritur të kontratës që prokurohet dhe që është realizuar gjatë tre viteve të fundit, duke filluar nga data e shpalljes së njoftimit të kontratës.

Me anë të këtij kriteri kërkohet që operatorët ekonomik ofertues të dëshmojnë që kanë përvojën e nevojshme për të zbatuar kontratën, prandaj është kërkuar që shërbimet e mëparshme të ngjashme të jenë jo më të vogël se 40% të vlerës së fondit limit që prokurohet, që është vlera brenda kufirit maksimal të përcaktuar në nenin e mësipërm.

Përcaktimi i vlerës së kërkuar për kontratat e ngjashme argumentohet si më poshtë :

Përvoja e mëparshme është një element shumë i domosdosshëm që garanton autoritetin kontraktor se operatorët ekonomik mbi bazën e vlerës së kontratave të ngjashme zotërojnë kapacitete për të zbatuar kontratën me sukses sipas një standarti të përshtatshëm cilësie. Vlera e kërkuar nuk sjell kufizim të konkurrencës dhe është në masën 40% të fondit limit.

2.3.2. Operatorët Ekonomik Ofertues, duhet të disponojnë fuqi punëtore për realizimin e kontratës me sukses, prej minimalisht 15 (*pesëmbëdhjetë*) punonjës për 3 (tre) muajt e fundit.

Gjithashtu, përveç vërtetimit të lëshuar nga Administrata Tatimore për numrin e punonjësve për tre muajt e fundit, kandidatët apo operatorët ekonomikë ofertues, duhet të paraqesin në procedurën e prokurimit listëpagesat e punonjësve sipas formatit që kërkohet nga legjislacioni në fuqi për të gjithë periudhën e kërkuar (për tre muajt e fundit) sipas formularit E/Sig-25, për kontributet e sigurimeve shoqërore dhe shëndetësore, sipas formatit që kërkohet nga legjislacioni tatimor, si dhe sipas legjislacionit në fuqi.

Për përmbushjen e këtij kriteri, operatorët ekonomik duhet të vetdeklarojnë në formularin përmbledhës të vetëdeklarimit, por që duhet ta administrojnë edhe fizikisht këtë dokumentacion.

Argumentimi: Në bazë të pikës 4, të nenit të 77, të ligjit nr. 162, datë 23.12.2020 “Për prokurimin publik” dhe nenit 41, pika 4/c, të VKM nr. 285, datë 19.05.2021 “Për miratimin e Rregullave të Prokurimit Publik”, me anë të këtij kriteri kërkohet që operatorët ekonomikë të dëshmojnë që kanë fuqinë punëtore të nevojshme për ekzekutimin e objektit të prokurimit, që ka në dispozicion apo që mund t’i vihen në dispozicion operatorit ekonomik për të përmbushur kontratën.

Autoriteti kontraktues është organi përgjegjës për prokurimin e fondeve publike, në përputhje me dispozitat ligjore e nënligjore në fuqi ndaj dhe përcaktimi i kriterëve të veçanta për kualifikim është lënë nën përgjegjësinë e autoritetit kontraktues, gjithnjë në përputhje e përpjesëtim me objektin e natyrën e kontratës së prokurimit. Referuar legjislacionit në fuqi, është përcaktuar se autoriteti kontraktues kërkon dëshmi për fuqinë punëtore me qëllim që të garantohet për realizimin me sukses të kontratës.

Si dhe referuar përmasave të kontratës që do të do të prokurohet, specifikimeve teknike, fondit limit, afatit të zbatimit të saj, si dhe kohëzgjatjes së parashikuar për realizimin e shërbimit gjithësej 48 (dyzetë e tetë) muaj ose 4 (katër) vite, njësia e prokurimit vlerëson se numri i punonjësve të kërkuar nga ana e autoritetit kontraktor në rastin konkret, garantohet për zbatimin e kontratës me sukses duke krijuar besueshmerinë dhe qëndrueshmëri të punonjësve tek operatorët ekonomik, si dhe duke mos sjellë vonesa në zbatimin e saj.

Lidhur me përcaktimin e numrit të punonjësve, njësia e prokurimit ka mbajtur në konsideratë Rekomandimin e APP Nr 4916/2 Prot të datë 14.07.2022, pika 3 ku përcaktohet se autoritetet kontraktore duhet të hartojnë kërkesat e veçanta të kualifikimit në përputhje me nenet 77 të LPP dhe 78 të VKM, si dhe legjislacionit të fushës përkatës, duke argumentuar dmosdoshmërinë e tyre në çdo rast.

Bazuar mbi rekomandimin e APP, njësia e prokurimit ka hartuar analizën teknike ku parashikohet fuqia punëtore duke u bazuar në preventivin e shërbimeve si dhe afateve kohore të parashikuar në grafikun e punimeve dhe mbi bazën e analizave përkatëse ka përcaktuar numrin e saktë të punonjësve që nevojiten për zbatimin e kontratës me sukses dhe në kohë.

Sipas preventivit përmbledhës për shërbimin e pastrimit, dhe sipas Analizës së kostot për Bashkinë Peqin janë të nevojshëm 15 punëtor për kryerjen me efikasitet të këtij shërbimi.

Nisur nga sa më sipër argumentuar, njësia e prokurimit gjykon se ka parashikuar një numër minimal punonjësish për realizimin me sukses të shërbimit të pastrimit duke miratuar një numër prej 15 punonjësish që duhet të kenë operatorët ekonomik ofertues në listëpagesat e tyre.

2.3.3. Kandidatët, operatorët ekonomikë ofertues duhet të përcaktojnë me anë të një deklaratë (nga Administratori i Shoqërisë ofertuese) Drejtuesin Teknik të shërbimit të pastrimit, i cili duhet të jetë i diplomuar në Inxhinieri Mjedisore ose Biologji Mjedisore ose Biologji ose Kimi ose Diplomë ekuivalente në fushën mjedisore, shoqëruar me dokumentacionin e mëposhtëm: Librezë punë (përkatëse), diplomë, CV përkatëse, kontratë pune të vlefshme midis tij dhe operatorit ekonomik, si dhe të figurojë në listëpagesat e operatorit ekonomik ofertues, për të gjithë periudhën e kërkuar në dokumentet e tenderit.

Për përmbushjen e këtij kriteri, operatorët ekonomik duhet të vetdeklarojnë në formularin përmbledhës të vetëdeklarimit, por që duhet ta administrojnë edhe fizikisht këtë dokumentacion.

Dokumenti i kërkuar më sipër, do të paraqitet përpara publikimit të njoftimit të fituesit dhe nisjes së afateve ankimit, ose nëse kërkohen sqarime nga Autoriteti Kontraktor.

Argumentimi : Kërkesa e mësipërme është përcaktuar bazuar në piken pikës 4, të nenit 77, të ligjit nr. 162, datë 23.12.2020 “Për prokurimin publik” : *Aftësia profesionale e operatorëve ekonomik për të ofruar shërbimin, punën, mallin vlerësohet në lidhje me aftësitë organizative, reputacionin dhe besueshmërinë, përvojën e duhur, si dhe personelin e nevojshëm për të zbatuar kontratën, siç është përshkruar nga autoriteti ose enti kontraktor në njoftimin e objektit të kontratës” dhe nenit 41, pika 4/ b), të VKM nr.285, datë 19.05.2021 “Për miratimin e Rregullave të Prokurimit Publik” i ndryshuar.*

Në VKM-në nr.42, datë 16.1.2008 “Për miratimin e rregullores për kriteret dhe procedurat e dhënies së licencave profesionale të zbatimit, klasifikimit dhe disiplinimit të subjekteve juridike, që ushtrojnë veprimtari ndërtimi”, Kreu IV “Drejtuasi teknik i shoqërisë dhe papajueshmëria me këtë detyrë”, pika 1, ku parashikohet shprehimisht: “Drejtuasi teknik i shoqërisë ;

a) Drejtuesi teknik i shoqërisë është personi me arsimin universitar përkatës (përcaktuar në lidhjen nr.5) dhe me përvojë pune jo më pak se 5 vjet nga diplomimi. Për personat që kanë mbaruar universitetin me mesatare note nga 9.0 e lart ose ekuivalent (për studime të përfunduara në shtete të huaja) afati të jetë jo më pak se 3 vjet nga diplomimi.

b) Licenca profesionale e shoqërisë kategorizohet mbështetur në diplomimin dhe përvojën personale të drejtuesit/drejtuësve teknikë, kërkesave të tjera që caktohen në këtë rregullore dhe vlerësimit të komisionit për dokumentacionin e paraqitur.

c) Marrëdhëniet e drejtuesit teknik me shoqërinë rregullohen sipas kontratës individuale të punës.”

Njësia e prokurimit gjykon se synimi parësor i autoritetit kontraktor është vërtetimi se ofertuesi disponon staf të kualifikuar për realizimin me sukses të kontratës objekt prokurimi.

Drejtuasi Teknik i shërbimit të pastrimit është përgjegjës për zbatimin e këtij shërbimi në përputhje me kushtet teknike të zbatimit, sigurimin teknik dhe mbrojtjen në punë brenda kushteve të kontratës.

Duke ju referuar zërave të preventivit dhe specifikimeve teknike të tij është shumë e rëndësishme për AK, kapaciteti dhe përvoja e mëparshme në punë e drejtuesit teknik të këtij shërbimi që vërtetohen në CV përkatëse të tij.

AK gjykon se Drejtuesi Teknik i cilit kërkohet me diplomë ekuivalente në fushën mjedisore është në përputhje me frymën e ligjit të prokurimit publik, dhe i shërben njëkohësisht zbatimit të kontratës me sukses dhe në kohë.

2.3.4. Për të vërtetuar se shërbimet, objekt prokurimi, plotësojnë kërkesat e cilësisë, shoqëritë ofertuese duhet të paraqesin në procedurën e prokurimit, certifikata të vlefshme ose ekuivalentet e tyre, të cilat duhet të jenë të lëshuara nga organizma ndërkombëtare ose shoqëri të akredituara në Republikën e Shqipërisë, të cilat duhet të jenë të vlefshme në datën e hapjes së procedurës së prokurimit publik, si më poshtë konkretisht:

Çertifikatën ISO 14001:2015, “Për sistemin e menaxhimit mjedisor” ose ekuivalent, të vlefshme.

Çertifikatën ISO 9001:2015, “Sistemi i menaxhimit të cilësisë” ose ekuivalent, të vlefshme.

Argumentimi: Kërkesa e mësipërme është përcaktuar bazuar në nenin 79, “Standardet e sigurimit të cilësisë dhe standardet e menaxhimit mjedisor” të ligjit nr. 162, datë 23.12.2020 “Për prokurimin publik”, dhe nenin 39, të VKM nr.285, datë 19.05.2021 “Për miratimin e Rregullave të Prokurimit Publik” të ndryshuar. Për vetë natyrën e veçantë dhe delikate, dhe përmasat e objektit të kontratës që do të prokurohet si dhe afatit për zbatimin e saj.

Kjo çertifikatë lidhen ngushtësisht me objektin e kontratës për sa kohë do të pranohet edhe certifikata ekuivalente të tyre dhe i shërbejnë autoritetit kontraktor për njohjen e kapaciteteve të operatorëve ekonomikë dhe të mundësisë së tyre për përmbushjen e plotë të kontratës. Referuar në nenin 79 të ligjit 162/2020, parashikohet se autoriteti kontraktor mund të kërkojë certifikata, të lëshuara nga organe të pavarura, që vërtetojnë pajtueshmërinë e kandidatit ose të ofertuesit me standardet e kërkuara të cilësisë, përfshirë edhe standardin për menaxhimin e mjedisit për sa kohë që veprimtaria e tyre ka ndikim të drejtëpërdrejtë në mjedis.

ISO (Organizata Ndërkombëtare e Standardizimit) është një organizatë me anëtarësi e pavarur, jo-qeveritare dhe zhvilluesi më i madh në botë i Standardeve Ndërkombëtare, nga 163 vende të botës. ISO publikon më shumë se 19500 Standarde Ndërkombëtare, të cilat mbulojnë pothuajse çdo fushë industrie, nga teknologjia te siguria ushqimore, bujqësia e shëndeti. Në nivel botëror shoqëritë ndjekin adoptimin e standarteve të cilësisë me qëllim që të jenë të respektuar nga klientet e autoritetet shtetërore dhe të ndërtojnë bashkëpunim të qendrueshëm me avantazhe reciproke.

- **ISO 14001-2015 (Sistemin e menaxhimit të mjedisit e vlefshme) ose ekuivalent.**
- **ISO 9001:2015Sistemi i menaxhimit te cilesise**

Ky certifikim shërben në lidhje me sistemet e menaxhimit mjedisor dhe menaxhimit te cilesise, me anë të së cilës garantohen mundësitë e identifikimit, vlerësimit dhe menaxhimit të aspekteve mjedisore të një subjekti me synim parandalimin e dëmtimit të mjedisit, respektimin e legjislacionit vendas në lidhje me mjedisin dhe ruajtjen e burimeve natyrore. Gjithashtu, ky certifikim fokusohet në njohjen e të gjitha aspekteve mjedisore dhe menaxhimin efektiv të

pasojava të aktivitetit të subjektit, duke bërë të mundur të përmirësohet ndikimi i veprimtarisë së përgjithshme të subjektit në aspektin mjedisor .

Kjo certifikat është në përpjestim dhe i lidhur ngushtë me objektin e kontratës si dhe në përputhje me dispozitat ligjore në fuqi. Referuar objektit të prokurimit në rastin konkret, njësia e prokurimit e ka parë të nevojshme që shoqëritë të jenë të certifikuara nga organizata ndërkombëtare të cilat garantojnë një nivel të pranuar të menaxhimit të mjedisit sa kohë që veprimtaria e tyre ka ndikim të drejtpërdrejtë mbi të.

2.3.5. Operatori ekonomik ofertues, duhet të paraqesë në procedurën e prokurimit licencë të vlefshme të shoqërisë, të lëshuar nga Qendra Kombëtare e Biznesit QKB, për grumbullim dhe transportim të mbetjeve urbane (kodi III.2.B).

Argumentimi: Kërkesa e mësipërme është përcaktuar bazuar në nenin 79, “Standardet e sigurimit të cilësisë dhe standardet e menaxhimit mjedisor” të ligjit nr. 162, datë 23.12.2020 “Për prokurimin publik”, dhe nenin 39 pika 6, gërma a), të VKM nr.285, datë 19.05.2021 “Për miratimin e Rregullave të Prokurimit Publik” të ndryshuar,

Për të provuar përshtatshmërinë për të kryer veprimtarinë profesionale, kapacitetet teknike dhe profesionale, autoriteti/enti kontraktor kërkon:

a) licenca profesionale të shoqërisë për realizimin e punimeve, objekt i kontratës, të lëshuara nga autoritetet kompetente shtetërore; dhe/ose

Në këtë kuptim, për autoritetin kontraktor është e rëndësishme të provohet që operatorët ekonomikë pjesëmarrës në procedurën e prokurimit zotërojnë kapacitetin teknik e konkretisht licencë profesionale të shoqërisë për realizimin e shërbimeve, ku të përfshihen ndër të tjera edhe transporti i mbetjeve të ngurta (inerte).

Në nenin 5 të ligjit nr.10081 datë 23.02.2009 “Për Licencat, autorizimet dhe lejet në Republikën e Shqipërisë”, parashikohet se “Ushtrimi i veprimtarive dhe kryerja e veprimeve në territorin e Republikës së Shqipërisë janë, si rregull, të lira dhe nuk i nënshtrohen licencimit apo autorizimit, përveçse kur parashikohet ndryshe me ligj”.

2.3.6. Operatori ekonomik ofertues, duhet të paraqesë në procedurën e prokurimit specifikimet teknike të firmosura dhe të vulosura, si dhe grafikun e kryerjes së shërbimit të pastrimit.

Argumentimi: Në bazë të pikës 4, të nenit të 77, të ligjit nr. nr. 162, datë 23.12.2020 “Për prokurimin publik” dhe nenit 41, pika 4/ ç, të VKM nr. 285, datë 19.05.2021 “Për miratimin e Rregullave të Prokurimit Publik”, me anë të këtij kriteri kërkohet që operatorët ekonomikë të dëshmojnë që kanë në dispozicion apo që mund t’i vihen në dispozicion mjetet dhe pajisjet teknike për të përmbushur kontratën, të nevojshme për ekzekutimin e objektit të prokurimit.

2.3.7. Operatorët ekonomik ofertues, me qëllim që autoriteti apo enti kontraktor të krijojë besueshmërinë për operatorët ekonomikë ofertues, duhet të paraqesin në procedurën e prokurimit:

- Deklaratë me shkrim nga Administratori i shoqërisë që Autoriteti/Enti Kontraktor rezervon të drejtën të kryejë në çdo kohë verifikimin fizik të disponueshmërisë së mjeteve me ose pa paralajmërim paraprak, si dhe të bëjnë deklarin e adresës së saktë të vendndodhjes së mjeteve teknologjike, me qëllim verifikimin e tyre në rast nevojë nga AK-ja.
- Deklaratë me shkrim nga Administratori i shoqërisë ofertuese që autorizon autoritetin apo entin kontraktor të bëjë verifikimet përkatëse mbi të gjithë dokumentacionin e paraqitur në këtë procedurë prokurimi, pranë çdo organi apo institucioni ose autoriteti ose shoqëri që i ka lëshuar ato.
- Deklaratë me shkrim nga administratori i shoqërisë ofertuese që i gjithë informacioni dhe dokumentacioni i paraqitur në procedurën e prokurimit është i saktë, si dhe nuk përmban të dhëna të rreme për qëllime kualifikimi.

Të gjitha deklaratat e mësipërme, duhet të jenë dhe të paraqiten në tender origjinale ose fotokopje të noterizuara, si dhe të nënshkruara nga Administratori i shoqërisë ofertuese, apo personi përgjegjës i ngarkuar me ligj.

Mosparaqitja e deklaratave në formën dhe mënyrën e kërkuar në kërkesat për kualifikim, përbën kusht për skualifikim të ofertuesit nga procedura e prokurimit.

Paraqitja apo dhënia e informacionit të rremë, përbën kusht për skualifikimin/përfjashtimin e të gjithë ofertuesve që do të paraqesin informacion dhe dokumentacion që përmban të dhëna të rreme për qëllime kualifikimi.

Argumentimi: Kërkesa e mesipërme është në përputhje me nenin 26 të VKM 285 datë 19.06.2021 “Për prokurimin Publik” pika 7” 7. *Në çdo rast, autoriteti/enti kontraktor ka të drejtë të kryejë verifikimet e nevojshme mbi vërtetësinë e informacionit të deklaruar nga operatori ekonomik si më sipër, ose t’i kërkojë operatorit sqarime dhe dokumente mbështetëse për këto sqarime”*

2.3.8. Operatorët ekonomik ofertues duhet të kenë të punësuar në shoqëri të paktën 2 (dy) persona të pajisur me çertifikata të aftësisë profesionale për mjetet teknologjike, për të cilët duhet të paraqitet në tender kontrata e punës e cila duhet të jetë e vlefshme, dëshmia profesionale që provon dhe vërteton kërkesën për kualifikim, si dhe të figurojnë në listëpagesat e shoqërisë për të gjithë periudhën e kërkuar në dokumentet e tenderit, 3 (tre) muajt e fundit.

Argumentimi: Në bazë të pikës 4, të nenit të 77, të ligjit nr. 162, datë 23.12.2020 “Për prokurimin publik” dhe nenit 41, pika 4/ b), të VKM nr.285, datë 19.05.2021 “Për miratimin e Rregullave të Prokurimit Publik”, me anë të këtij kriteri kërkohet që operatorët ekonomikë të dëshmojnë që kanë stafin, personelin e nevojshëm të kualifikuar për realizimin me sukses të kontratës. Konkretisht:

2 persona te pajisur me certifikate per mjetet teknologjike – jane te nevojshem punonjesit per shkak se eshte kerkuar qe sherbimi pastrimit te kryhet me mjete teknologjike bashkohore, me staf te specializuar.

2.3.9. Kandidatët/Operatorët Ekonomik Ofertues, duhet të disponojnë në pronësi ose me qira, mjetet e mëposhtme, për kryerjen e shërbimit të pastrimit, me qëllim realizimin e objektit të prokurimit, si më poshtë vijon:

Nr	Emërtimi	Sasia
1.	Makinë teknologjike për heqje dhe transport mbeturinash nga kontenierët, me kapacitet mbajtës 12 – 13 ton, me ngarkim fundor dhe me presim mbeturinash, raport kompaktimi 1:4 – 1:6.	2 (dy) copë
2.	Makinë për larjen/lagien e rrugëve me presion, autobot, me kapacitet mbajtës 10000 – 11000 litra.	1 (një) copë
3.	Kontenierë	180 copë

Të gjitha mjetet duhet të jenë në pronësi ose me qira, si dhe të jenë të shënuara në regjistra publike. Ofertuesi duhet të paraqesë dokumentin që verteton rregjistrimin e mjetit, certifikatën e pronësisë, leja e qarkullimit, certifikatën e kontrollit teknik, siguracioni i mjetit, si dhe foto ku të jetë e dukshme targa e mjeteve të ofruara.

Për mjetet që nuk shënohen në regjistra publike, duhet të paraqitet dokumentacion që vërteton pronësinë e tyre, si aktet e zhdoganimit në RSH ose faturat tatimore të blerjes, për ato mjete që janë marrë me qira këto dokumenta duhet të jenë bashkëlidhur kontratës së qirasë noteriale, e cila duhet të përfshijë të gjithë periudhën e kërkuar në dokumentat e tenderit, si dhe të jetë përcaktuar objekti i marrjes me qira, qëllimi dhe destinacioni i mjeteve së bashku me dokumentacionin provues të tyre.

Mjetet në pronësi duhet të shoqërohen me akt pronësie origjinal ose kopje të noterizuar shoqëruar me gjithë dokumentacionin e kërkuar, si dhe për ato me qira përveç dokumentave të mësipërme, duhet të paraqitet kontrata e qirasë e vlefshme, deri në afatin e përfundimit të kontratës së shërbimit të pastrimit.

Çdo makineri duhet të jetë e shoqëruar detyrimisht me dokumentacionin e mësipërm të kërkuar në kërkesat për kualifikim.

Çdo ofertues, duhet të paraqesë dokumentacionin e kërkuar në kërkesat për kualifikim, lidhur me mjetet dhe makineritë teknologjike, si dhe ka detyrimin ligjor të provojë dhe vërtetojë kërkesën për kualifikim.

Kjo kërkesë për kualifikim, do të quhet e përmbushur gjatë fazës së ofertimit me plotësimin e formularit përmbledhës të vetëdeklarimit, sipas shtojcës përkatëse të dokumenteve

standarte të tenderit, por ndërkohë çdo kandidat apo operator ekonomik ofertues duhet të paraqesë dhe dokumentojë dhe provojë përpara publikimit të njoftimit të fituesit paraprak, dokumentacionin vërtetues të vetdeklaruar në formularin përmbledhës të vetdeklarimit.

Për përmbushjen e këtij kriteri, operatorët ekonomik duhet të vetdeklarojnë në formularin përmbledhës të vetdeklarimit, por që duhet ta administrojnë edhe fizikisht këtë dokumentacion, të plotë, sipas kërkesës për kualifikim.

Dokumenti i kërkuar më sipër do të paraqitet përpara publikimit të njoftimit të fituesit dhe nisjes së afateve ankimit, ose nëse kërkohej sqarime nga autoriteti kontraktor.

Argumentimi: Në bazë të pikës 4, të nenit të 77, të ligjit nr. nr. 162, datë 23.12.2020 “Për prokurimin publik” dhe nenit 41, pika 4/ ç, të VKM nr. 285, datë 19.05.2021 “Për miratimin e Rregullave të Prokurimit Publik” i ndryshuar, me anë të këtij kriteri kërkohet që operatorët ekonomikë të dëshmojnë që kanë në dispozicion apo që mund t’i vihen në dispozicion mjetet dhe pajisjet teknike për të përmbushur kontratën, të nevojshme për ekzekutimin e objektit të prokurimit.

Për përmbushjen e këtij kriteri, operatorët ekonomikë duhet të vetdeklarojnë mjetet dhe pajisjet që disponojnë në formularin përmbledhës të vetdeklarimit.

Numri dhe lloji i makinerive dhe paisjeve është vendosur duke ju referuar zërave të shërbimit sipas specifikimeve teknike, grafikut të detajuar dhe kohëzgjatjes së shërbimit, Për të zbatuar kontratën, operatorët ekonomik duhet të përmbushin kapacitetet teknike të pajisjeve dhe aseteve të tjera fizike, për këtë janë përcaktuar edhe dokumentet konkrete që duhet të paraqesin operatorët. Nëpërmjet kapaciteteve teknike operatorët ekonomik vërtetojnë se zotërojnë aftësinë dhe kualifikimet e nevojshme teknike, profesionale, kapacitetet organizative, makineritë, pajisjet e asete të tjera fizike, aftësitë organizative. Pajisje dhe mjetet e mësipërme janë të lidhura ngushtë me objektin e kontratës dhe i shërbejnë autoritetit kontraktor për njohjen e kapaciteteve dhe të mundësisë së operatorit për përmbushjen me sukses të kontratës si dëshmi për mjetet dhe pajisjet teknike. Numri i mjeteve/makinerive që nevojiten për realizimin e kontratës është përcaktuar bazuar në zërat e shërbimit.

Nga ana e autoritetit kontraktor vendosja e këtij kriteri është në përpjestim të drejtë më natyrën, zërat e shërbimeve dhe vlerën e kontratës.

Konkretisht :

1- Makinë teknologjike për heqje dhe transport mbeturinash nga kontenierët, me kapacitet mbajtës 12 – 13 ton, me ngarkim fundor dhe me presim mbeturinash, raport kompaktimi 1:4 – 1:6.

Në vendimin Nr. 319, datë 31.5.2018 “Për miratimin e masave për kostot e menaxhimit të integruar të mbetjeve”, shtojca 1 “Udhëzues për llogaritjen e kostos për menaxhimin e mbetjeve”, në pikën 1.2 të saj “Për llogaritja e nevojës për investime kapitale”, parashikohet lidhur me makinerite.

Bazuar nga sa më sipër argumentuar, njësia e prokurimit gjykon se kriteri i mësipërm për disponimin e dy mjeteve teknologjike me kapacitetet mbajtës 12 – 13 ton nga ana e ofertuesve, është një kërkesë minimale dhe garanton AK për zbatimin e kontratës me sukses.

Lidhur me mjetin - Makinë për larjen e rrugëve me presion (autobot), me kapacitet mbajtës 10000 – 11000 litra, njësia e prokurimit gjykon se në preventivin përmbledhës të shërbimeve është parashikuar lagia e rrugëve.

Lidhur me - Kontenierë 180 copë

Lidhur me kërkesën e mësipërme, njësia e prokurimit është bazuar mbi analizës e kostos të përgatitur nga autoriteti kontraktor për Bashkinë Peqin dhe Njësive Administrative.

Operatorët ekonomik ofertues duhet të disponojnë një nr minimale prej 180 kontenierësh për të mbuluar gjithë zonën me këtë shërbim, e cila është e nevojshme dhe jetike për zbatimin e kontratës objekt prokurimi dhe në përputhje dhe vëllim të plotë me të duke garantuar njëkohësisht autoritetin kontraktor Bashkia Peqin që kontrata do të zbatohet me sukses të plotë.

II. Argumentimi i specifikimeve teknike

Shënim: Përcaktoni specifikimet teknike, për shërbimet objekt prokurimi, që do të përfshihen në termat e referencës, në përputhje me parashikimet e nenit 4, pika 38/b dhe nenit 36, të LPP, si dhe nenit 41, pika 1, të VKM nr. 285, datë 19.05.2021, “Për miratimin e rregullave të prokurimit publik”, duke argumentuar çdo kërkesë funksionale ose performance, apo/dhe çdo standard të kërkuar, ku çdo referencë duhet të shoqërohet nga fjalët “ose ekuivalenti i tij/saj”.

Njesia e Prokurimit
